

Вишконтемс воспитательнай работать одломаттнень йоткса

Советский народсь кельксыне эсь одломанензон, сон активна вовлекает синь общественной эряфти, максси теест сембе условиятнень быстройшей политической ростти, сон привлекает синь управлять государством мархта. Оцю доверия макссь народсь советский молодежти, кочкамок сялода лама комсомолецт СССР-нь Верховнай Совету депутатокс.

Лучшай питомецне комсомолса сувайхть партияв, выдвигаются руководящей советский и хозяйственной работас. Сяфтяма тяфтама пример, што ВЛКСМ-нь Рузаевский райкомсь 1937 кизоня макссь 84 комсомолеценди рекомендацият ВКП(б)-нь ряттненьди сувамс. Комсомолонь Саранскяень горкомсь декабрь ковста 1937 кизоня макссь сисем комсомолеценди рекомендацият ся комсомолеценди, конат няфтезь эсь образцовай работас-нон ся участкаса, коза синь кучезень работама ленинский комсомолсь.

Однако, улихть нингя стама организацият, кося кржа шарфнихть мяль тя работати.

Ельниковский районца Верховнай Совету выборнай кампаният йотафтомста сембоц агитаторда и довереннайда работасть избирательнай участкаса 44 комсомолецт, конатнень йоткса улихть пяк цебярь комсомолецт и комсомольсый руководитьхть, но однако выборда меле ВЛКСМ-нь райкомсь макссь аныцек кафта комсомолец-енди рекомендацият партияв сувамс—Грунинти и Гаршенин ялгат-неньди. Тя ответственной участкати ВЛКСМ-нь Ельниковский райкомсь и сонь секретарец Шкаев ялгась относятся безответственно.

Кивок аф верондай, што тя организацияса аш провереннай комсомолецт, кда сяда лацкас варжак-стомс, то мутама аф кржа комсомолецт, конат образцовайста работасть выборнай участкатнень эса и тяниенгя няфнихть цебярь показателхть эсь работасост. Сяф-тяма фкия пример: Риковский организацияса улихть стама комсомолецт, кода Сидоров ялгась, ко-нац работай первичнай организа-цияса комитетонь секретарькс, а станяжа Киселева ялгась, конац

работай Софинский школаса комсоргокс. Нят ломаттне лац работасть населениять йоткса Верховнай Совету выборонь Положениять раз'яснениянц колга, но комсомолонь райкомть ширде тяни руко-водствась синь мархтост ладяф калдывста.

Тяфтажа аши воспитательнай ра-ботась ВЛКСМ-нь Краснослобод-ский райкомть руководителензон ширде. Верховнай Совету выбор-нень йотафтомста Краснослобод-ский городской организацияста ульсть выдвинутайхть агитаторкс 97 комсомолецт, а кда ванцаськ кода моли работась тяни синь йоткост, то няхтяма лама афса-тыкста. Тячиень шить самс ВЛКСМ-нь райкому ульсь максфт сисем заявленият комсомолецнень ширде, конат анайхть рекоменда-цият вступиндамс ВКП(б)-нь членонди кандидатокс. Ня заявле-ниятнень коряс райкомонь бюрось макссь рекомендацият Кугрышев, Жулин и Долгочев ялгатненьди, а сембоц Краснослободский орга-низацияса лувондови лама комсо-молецт и синь йоткость улихть це-бярь комсомолецт, конат вполне заслуживают улемс ВКП(б)-нь ряттнень эса. Но поскольку райкомовский работникне бездушно относятся тя тевти, сяс и лафчеста ладяф работась ко-мсомолецнень йоткса. Тя без-душнай отношениемсь няеви тоста, што ВЛКСМ-нь райкомть секре-таренц обязанностензон исполняя-шаец Барабанщиков ялгась аф содасыне кода работайхть первич-най комсомольский организацият-не.

Сяда башка эряви азомс, што ВЛКСМ-нь Мордовский обкомсь тя работать шири аф шарфни кодамовок мяль, а кда кулхон-дыхть райкомовский работник, то ограничиваются аныцек эсь резо-люцияснон мархта и ня эсь соб-ственной решенияснон вестеньгя аф проверендакшнесазь.

Комсомольский организациятне должны тиемс эсьтеест практиче-ский и политический вывод йотай избирательнай кампаният опы-тонц эзда. Тя лезды комсомолец-енди мумс эсь лафча звенаснон и педа-пес машфтомс народонь вракнень и синь пособникснон.

Странаса некрасовский шитне

Советский общественность кел-листа отмечает великий русский поэтть Н. А. Некрасовть кулома шистонза сявомок кодгемонь кизоть топодеманц.

Предприятиява, клубга, вузга, школава организовандавихть специальнай вечерхт, докладт, бесе-лат, концертт, выставкат, конат улихть посвященнайхть Н. А. Некрасовонь эряфонцы и творчест-ванцы:

Ленинградса ОГПУ-ть лемса опти-ко-механический заводонь рабо-

чайхне обеденнай перерывста оцю интерес мархта кулхонкшнесазь великий русский поэтть стихонзон и Некрасовть текстстонц коря му-зыкальной произведениятнень.

Юзин велень, Винницкий райо-нонь (Украина) колхозникне, кося шачсь Некрасовсь отмечандакш-несазь эсь знаменитай землякс-нон кулома шистонза сявомок кодгемонь кизонь топодемать ли-тературнай вечера.

(ТАСС).

Н. А. Некрасовть творчестванц значенияц одломаттненьди


Тячи, январьт 8-це шистонза 1938 кизоня топодсь 60 киза кода кулось русский великий поэтсь Николай Алексеевич Некрасовсь. Н. А. Некрасовсь шачсь помещи-конь семьяса. Аляц сонь ульсь деспотичнай, грубай помещик—тиран. Сембодонга йомла поступ-канянкса; сон жестокайста нака-зандакшнезень крепостной кресть-яттнень. Сон ульсь тиранкс и эсь семьянцтыгя. Од Некрасовсь ла-ма кирдсь пиксомада тяярай кре-постникть эзда крестьяттнень идь-снон мархта—налхксеманкса, ко-натнень сон пяк кельгольхень. Касомок эсь серенц помещиконь усадьбаса, няеньдемок крепост-ной правань сембе ужаснень, Некрасовсь тусь алянц эзда, кирьде-мок потмосонза аф азомшка не-нависть феодально-крепостниче-ский строить, эсь классонцы.

Чернышевскийть и Добролю-бовть мархта знакомствада меле Некрасовсь окончательна аердсь эсь классонц эзда и эсь произ-ведениянзон эса кармасть вскры-вать ся пингонь государствен-най строить сущностенц, арась эксплуатируемай народть ширес, кода Чернышевскийсь и лиятне.

XIX веконь 60—70-це кизотнень пингста Некрасовть произведениян-за кирьдсть пяк оцю значения пере-довой одломанень революцио-нной движениякса. Аф стак В. И. Лениниць сонь лувондозе рево-люционной сире демократокс. Сон пяк кельгольхень Некра-совть произведениянзон, и ла-моксть синь моралезень.

Некрасовть творчестванц зна-ченияц тяниенгя пяк оцю тейнек, одломаттненьди, сталинский эпо-хань од поколенияти. Минь стра-наньконь одломаненза ашезь ный крепостной правань ужаснень, ашезь ный крепостнический и по-лукрепостнический жестокай эк-сплоатациять, бесправиять. Некра-совть произведениянза няфнесазь тейнек, кода ваномаса, сире мирть сембе нечистенц, пошлостенц; няфнесазь конашкава труднай ус-ловияса эрясть трудящайкне кре-постной правать пингста; синь путнихть минь потмознок оцю не-нависть проклятай, тиронический сире пингти, Оболт—Оболдуеф-неньди, Утятиттненьди, Шалашни-кофонди и стак тов., конат по-щадафтома, хищнай зверькс по-тясть крестьяттнень вярснон эса. Вов кода корхтайхть крестьяттне эсь эряфснон колга Некрасовть произведениясонза „Кинди це-бярь эрямась Русьса“:

„...Ули минь заботаньке,
Тяфтама ль заботушка,
Што кудстонок минь панемазь,
Работать эзда явфтомазь,
Ярхцамада катфтомазь.
Мужикне минь степеннайхть,
Временна-обязаттам
Подтянутаи губерниянь,
Пустопорожней волостень
И ряцок ащи веленянь:
Несытовань, Нееловань,
Заплатовань, Дырявинань,
Горелкань, Голодухинань,
Неурожайканянь.
Эсь стака трудонц эзда крестья-



нинць мезевок ашезь получахне ницетада и пингта инголе сиреде-мада башка. Некрасовсь тяка жа произведениясонза сьормады, што работатнень аделамда меле кресть-янинть работаф продуктанзонды ашесть „колма дольшикт“: бохсь, оцязорсь и господинць.

Тяда башка Николай Алексее-вичсь эсь произведениянзон эса („Арина—мать солдатская“, „Мороз—красный нос“, „Кому на Руси жить хорошо“ и лият) сембонди шарьхкодевиства няфтезе авать бес-правнай положениянц крепостной правать пингста. Авась сонь про-изведениянзон эса няфтьф угне-теннай, робкай, забитай ломанькс. Сонь пощадафтома эксплуати-ровандакшнезе помещиксь, сельме ведь потмоса эрась ся семьяса, коза лисендсь урьвакс, илядо-мок мирьдфтома йомла идь мар-хта, конань помещиксь макссезе лама кизонь кувалмос солдаток.

Но Н. А. Некрасовсь сьормадсь аф аныцек народнай горять кол-га. Сон надиясь, што сай пингя, мзярда великий русский народсь йордасы феодально-крепостниче-ский гнетть и кармай эряма сво-боднай эряфса. Тянь ингса сон терьнезе крестьянствать револю-ционной тюрематигнетательхнень каршес. Тя призывсь яркайста няфтьф „Кафта великий грешник-нень колга“ легендате эса, кося поэтсь сьормады, што бохсь прос-тиндазень Кудеяр разбойникть грехонзон, мзярда сон печкозе Глуховский помещикть крестьят-тнень мучендаманкса; революцио-нерть-народникть Добросклонов Гришайт сон лувондсы сембодон-га счастливайкс Русьса сяс, мес сон ащи „народнай заступниккокс“.

Од поколенияти эрявихть мо-рафнемс Некрасовть произведени-янза, тонафнемс сонь творчестванц.

А. Чекашкин.

СОВЕТСКИЙ ИТНЕНЬ ТВОРЧЕСТВАСНА

Олимпиадань участникнень заключительный вечерсост

Январь ковть 5-це шистонза, Саранск ошса МКСХШ-ть залсонза аделазе эсь работанц идень художественной республиканской олимпиадасы.

Тяка жа шиня ульсь тийф заключительный вечер, коза ульсь терьдфт Саранск ошонь партийно-комсомольский активсь и стажановецне.

Вечерса 31-й № железнодорожной школы, Левжа велень хорсь и лия участникне исполнили „Песня о Сталине“ морть, конац ульсь фатяф вишке аплодисментса. Активсь нязе, кодама вишкста касы республикасонок итнень талантсна. Цебарьста выступали, Оцялу велень начальнай школань тонафникне; синь тиендсть сложной пирамидат. Кие может азомс, што сядынгольден оязоронь пингонь Россияса тяфта воспитандакшнез итнень. Кивок аф.

Минь странаньконь иденза эрь шиня лувондсаз газета, кодама ужаснай условия эряхть итне капиталистический странаса, кодама расправат тиендхть мирнай ломаттнень мархта озверелай фашистне Германияса, Испанияса.

Советский правительствась кружазень итнень оцю заботаса. Капиталистический странаса трудяй ломаттнень идьсон талантсна юмси стак, миньцонк тевсь ащи лиякс. Заботада башка Советский правительствась итнень цебарь талантсон инга, премировандакшнецыне. Олимпиадасы цебарь выступлениянкса ульсь максф лама премият, штоба итне нингя сядя цебарьста аноклалхть и ладлезь районца и велеса хоровой, музыкальной и самодеятельностень лия кружокнень работаснон.

Республиканский переходящий якстерь знамясь, конанц питнец

1000 цалковайхть, максф Ромодановский районти. Максф 5 коллективной премият. Ковылкинский райононь струнной оркестрань коллективти 600 цалковайхть, Куриловский детдомонь коллективти 500 цалковайхть, Левжа велень (Рузаевский р-н) хорти, конац морась мокшонь народной морхт 400 цалковайхть, 12-це № средней школы лань коллективти, конат морась морхт оркестраса 300 цалковайхть и 31-й № железнодорожной средней школы лань коллективти украинский танецонь цебарьста кштиманкса 200 цалковайхть, Ширингушский физкультурной выступлений коллективти 200 цалковайхть.

Коллективной премияда башка ульсь максф премият нингя башка исполнительнени. Васеньце премиятне максф: Чиганашинти, конац ащи руководителкс Ковылкинский р-нь струнной оркестраса, 200 цалковайхть, Разумовти (Березниковский район), конац лувонзень эсь сочинениянзон, 200 цалковайхть, Светкинати (Козловский район) цебарьста исполнила акробатический номерхт казф 200 цалковайса. Ершовсь морась народной морхт (Козловский район) казф 200 цалковайса. 3-це премиятне 100 цалковаень максф Новиковати, конац моразе „Соловей поет“ морть, Каныгинати 31-й № железнодорожной школы, Жалимовти, Лямбирский райононь коллективть руководитель, Наумовати, Ардатовский районца, восточнай танецонь цебарьста исполнениян инга, Гурьяновати, Зубово-Полпский районца, цебарьста кштиманкса. Тяда башка лама премировандаф лия цебарь исполнихть.

Васеньце вастсь минь

Минь Лямбирский райононь участникне республиканский олимпиадасы зайняськ васеньце вастть и минь райононьке сатозе Якстерь знамять.

— Мон, кода руководитель, уверенаян, што сявомок тя премият — Якстерь знамять, минь коллективоньке эсь работаньконь ладзаськ нингя сядя цебарьста, знамясь сай кизотья ули минь кядьсонк. Минь тязя пуромоме сембе райот-

тнень эзда и няфеськ эсь творчестваньконь, силаньконь, няфеськ кода анокламя минь и сембе райотне республикасонок олимпиадаты.

Минь коллективоньконь фкя задачац тумок тяста, нингя сядя цебарьста ладзаськ самодеятельнай кружокнень работаснон, штоба сай кизотья зайняськ васеньце вастть республикаса.

Жалимов.

Лямбир.

Монь мяльне детский олимпиадаты колга

Кода аф азомс спасибо ся ломантти, кие миньдейнек макссь счастливой эряф, кода аф морамсь ся ломантти, кие заботендай инксонок, кода эсь родной аляце. Тейне 10 кизот, мон тонафнян 3-це класса, 31-й № железнодорожной средней школы. Мон ашан участник, кода ошонь и станяжа республиканский олимпиадасы. Мон ошонь олимпиадасы получандань премия-гитара, конанц питнец 140

цалковайхть, а республиканский олимпиадасы получайне омбоце премият, 100 цалковайхть. Кодамовок трудяень идь тянь аф содасы капиталистический странаса, но минь советский школаньке итнень воспитывает сембе ширде, аноклай стама ломатть, конат аделамок школать, кармайтть улема полезнайкс странаты, кода полноценнай советский работник.

Каныгина Надясь.

Саранск ош.

Сяфтяма пример Ширингушский райононь коллективть

эзда

Вертелимский райононь участникнень мялезост тусь Ширингушский районты участникзон выступлениясна. Вертелимонь районца участникне корхтайхть: „Минь пях мялезонк тусь Ачадовань начальнай школань ученикнень выступлениясна. Синь тиендхть сложной пирамидат. Аф стак участникне, синь выступленияснон васьфтезь вишке аплодисментса. Минь, сай

кизоть, самок олимпиадав, лияма сценать лангс станя выступать, коданя тьяни выступали Ширингушский райононь участникне.

Молемок районзонк, карматама активнайста работама физкультурной организациатнень работаса. Нингя сядя лама привлекандатама участника минь физкультурной кружокзонк.

Вертелимонь райононь участникне.

Комсомолса агитационно-пропагандистский работаты состоянианц и задачанзон колга

Кафта кофт йотась, кода ульсь йотафтф ВЛКСМ-нь Мордовский Областной V-це конференциясь, конац отметила организациань областса политический образованиян афудовлетворительнай состоянианц и наметила практический задачат агитационно-пропагандистский работаты решительнайста цебарьгафтоманц ингса. Конференциясь путсь Обкомть и райкомтнень инголи практический задачат.

Маластонь пингть фатямс сембе комсомолецнень и афсоюзной одломаттнень значительнай частьснон ВКП(б)-ть историянц тонафнема кружокса и политграмотань школыса.

Проверямс пропагандистнень и литераторхнень, привлекандамок пропагандистский работаты политически грамотнай, партиять тевонцты преданнай комсомольский активть, кемокстамок эрь пропагандисть райкомонь бюроса. Конференциясь обяызывает сембе руководящай комсомольский активть, васендакига Обкомонь, горкомонь, райкомонь работаньконь, вятэмс пропагандистский работа политшколатнень и кружокнень эса.

Комсомолецнень и афсоюзной одломаттнень йоткса организовандам Сталинский Конституцият и Верховнай Совету кочкамать колга Положениять тонафнемаснон и разъясненияснон.

Кафта тьожьянда лама пропагандист и агитаторхт-комсомолецт тонафнезь и тонафнесазь одломаттнень мархта Великай Сталинский Конституцият и СССР-нь Верховнай Совету выборхнень колга Положениять, тяфтажа знакомондаз комсомолецнень и одломаттнень Верховнай Совету депутатонди кандидаттнень биографияснон и эряфснон мархта. Кружокнень эса тонафнесть сембе комсомолецне и 64 тьожятть афсоюзной одломань. 1487 инь цебарь комсомолецт работасты избирательнай участкава членкс, синь эздост председателкс, заместителкс и секретарькс работасты 242 комсомолецт.

Пропагандистнень и агитаторхнень рядсна пяхкотькшневь одрастущай, партиять тевонцты преданнай комсомольский активть районзон эзда, конат способнайхть пропагандировандамс массат йоткса большевистский идеятнень.

Тяфта Инсарань районца участковой избирательнай комиссиянь членкс работасты 111 од избирательхть-комсомолецт.

Ковылкинань районца агитпроп-работаса примосесь участия 616 комсомолецт, синь эздост 54 ломань работасты участковой избирательнай комиссиянь членкс, 9 ломатть довереннай лиакс, 142 ломань пропагандистокс и агита-

торкс и 400 ломань вятсть агитпроп-работа десятидворкава.

Ичалковский районца агитаторкс и пропагандистокс работасты 540 ломань, синь эздост 206 комсомолецтохть.

Комсомольский активсь келиста использовандакшнезень агитпроп-работаты различнай форманзон и методонзон. Агитировандась коммунистнень и афпартийнайхнень блокснон кандидатснон ингса.

Тяфта Надеждинский поселкань (Вертелимонь р-нь) од, 18-ва кизоса комсомолець Буров ялгась, комсомольский комитетонь секретарьсь, марса пропагандисть Глазков ялгать мархта вовлекли сембе одломаттнень политкружокнени и регулярнайста йотафнесть мархтост занятият. Глазков ялгась тиендехцен эсь беседанзон простойста и увлекательнайста. Сон азонкшнезень Советский Союзть достижениянзон и капиталистический странатнень эса афкирдемшка гнетть.

Буровсь, работамок колхозса бригадиркс, возглавил колхозса стахановский движения. Сон уже заработал 400 трудовит, а сонь бригадстонза комсомолецне — 300-нь и сядя ламонь трудовит. Комсомолецнень цебарь работанкса пях кельксазь колхозникне.

Комсомолець Логинов ялгась, работамок участковой избирательнай комиссияса председателкс (Ромодановань р-н, Дальний веле), обеспечендазень избирательхнень выборхнень эса 100 процентс участвовандомаснон.

Выборхнени аноклама пингста комсомолецне сядя глубокайста тонадозь одломаттнень интереснон, запросснон и настроенияснон и сувафтозь инь цебарьхнень Ленинский комсомолть районзонды.

Мекольден пингть лама районга оцюда кассь комсомолть лувксоц, нльня организовандаф лама од организациат. Лем. Майдан велеса (Вертелимонь р-н) комсомолу сувасть 9 ломатть. Селине велеса (Ардатовань районца) сувасть комсомолу 18 ломань, Ковылкинань средней школыса сувасть комсомолу 23 ломань.

Областной конференцияда меле лама районга, кода Ковылкинаса — ВЛКСМ-нь райкомть секретарец Карев ялгась, Б.Березниковский районца — ВЛКСМ-нь райкомть секретарец Левин ялгась, Вертелимонь районца — ВЛКСМ-нь райкомть секретарец Паникин ялгась, политический образованиян значительной цебарьгафтозь. Синь организовандасть политшколат, коса аккуратнайста йотнихть занятият. Пропагандистнень мархта йотафнихть семинархт. Ня райкомтне тяфта жа лац обеспечендазь политшколатнень учебникса. Пропагандистский работаты возглавляндакшнезень комсомольский активсь и синь райкомонь работаньконь.

Но ичкози аф сембе райкомтне лац ладязь политический образованиян.

Кода Ромодановский райкомонь секретарьсь Антоновсь и политучебань отделонь заведующайсь

РАИОННАЯ ОЛИМПИАДА

1937 кизонь декабрь ковть мекольдень шинзон пингста МАССР-нь сембе райоттнень эзга йотасть идень художественной олимпиада.

Сире Шайговань районца декабрь 26—29 шистонза йотасть идень олимпиада.

Нят шитнень пингста Шайговань средняя школась ульсь пшксе ломаньда: колхозникта, МТС-нь рабочайда, служащайда, ученикта и стак тов.


Н.-Троицкый НСШ-нь ученикс-отличникс Пискунов Витась исключительнай мастерстваса исполниндазе СССР-нь Верховнай Советть депутатонц Отто Юльевич Шмидть колга „Наш кандидат стихотвореният. 9-це классонь ученицась Рубцова Ваясь декламировандазе „Спасибо Сталин ялгати счастливый детство ингса“ стихотвореният. Лац декламировандасть лия ученицатневок: Шегурова Клавдиясь и Силкина Пелагеясь. Теест анычек 8-нь киза.

Шайговань средняя школань, Резановкань и Летинский НСШ-нь ученикне няфнесть физкультурнай выступленийт и лозунг мархта пирамидат. Лама ученикт выступали лия школатнень эздонга, конат морасть мокшонь морхт.

Идень районнай художественной олимпиадаса васеньце вассть зайнязе Резановонь НСШ-сь, конат получась 200 цалковой премия; омбоце вассть—Шайговань и Н.-Троицкый школатне, конат получась 125 цалковой премия. Тяде башка получась премият башка исполнительне. Пискунов Витась получась 50 цалковой Шегурова Клавдиясь 30 цалковойт и стак тов.

Эряви азомс, што олимпиада йотафтомс выделеннай комиссиясь ашезь шарфта сатомшка мяль олимпиада образцовайста йотафтоманцы, конанц сюнеда олимпиадаса участвовандась анычек 6 школат.

Н. Десяев.



СНИМКАСА: Н. А. Некрасовъ „Кому на Руси жить хорошо“ поэманти иллюстрация. („Земствась обедать“ художникъ Мясоедовъ).

Репродукциясь Союзфототъ.

Советский Союза итне—свободнай жизнерадостнай итть

Царский Россиять пингста рабочаень и трудовой крестьянонь итне ульсь загнаннайхть нищета, вачаши и аф кирьдемшка стака эряфс. Итне ульсь лишенайхть культурат эзда. Синь ашельхть возможностьна развивандакшнемс эсь талантснот и способностснот, знанияснот. Царский Россиясь итне воспитывались некультурнай, невежеский эряфс.

Октябрьский революциясь освободила итнень рабский эряфть эзда. Советский Союза итне, нят свободнай жизнерадостнай рабочаень и крестьянонь итть. Синь улихть правасна тонафнемати, улихть правасна культурати и куль-

турнайста ваймамат. Итнень улихть синьценъ хоровой, музыкальной, драматический кружоксна и стак тов.

Шайговань районца, средняя школаса 8-це классонь ученикнень йоткса организовандафт музыкальной, драматический, хоровой кружокт. Шишканов Андрейшась замечательнайста тонадсь морама балалайкаса, гитараса, гармошкаса. Тяни сон тонафни скрипкаса морама. Кувшинов Павлушась лац морай скрипкаса, гармошкаса, мандолинаса и гитараса. Сонь, соньценъ ули скрипкац. Карпин ученикс районнай олимпиадаса руководил шумовой оркесторть мархта.

— Мезькс йоратада тонафнемс? Кизефтьс Кувшинов Павлушась и Шишканов Андрейшась: „Минь фкя мяленьке, выступать советский театрань сценада“.

Тя ответсь корхтай сянь колга, што советский иттенди максфт сембе условиятне. Кда итть ули мялец тонафнемс врачекс, лиси эздонза врач, мялец тонафнемс артистокс, лиси артистокс, мялец тонафнемс инженеркс, лиси инженеркс и стак тов.

Тя корхтай сянь колга, што Советский итнень лангс оцю отцовский забота шарфни кельгома Сталин ялгась.

Ник. Десяев

Шайговань р-н

Волковсь 33 политшколати кочкасть анычек 26 пропагандистт, а бюроса утвердили анычек 15 пропагандистт. Синь эздот вятихть работа 13 ломань. Партият историйнц тонафнема 7 кружокста работай анычек 2 кружокт. 20 политшколава, коса должетт тонафнемс районнай организацият комсомолецонзон паледа ламосна, работась аф проверякшневи.

Тяфта жа калдывста ладяф работась Атяшевский районца (ВЛКСМ-нь райкомт секретарец Ашаев, политучебань отделть зав. Надеждин). Пропагандисттнень мархта семинархт аф йотафнихть и нльня синьке политикаса разбираются паяк кржа.

Рузаевкань районца—ВЛКСМ РК-ть секретарец Шебуренков, политучебань отделть заведующаец Редин формальнойста отнеслись пропагандистонь кочкамат, 46 политграмотань школав утвержденнай анычек 21 пропагандист. Партият историйнц тонафнеманц ингса 11 кружокнень эса аш пропагандистт и синь аф работайхть.

Вов мезе азонды пропагандистсь Евсеев ялгась Рузаевкань комсомолонь райкомт руководстванц колга: „Пропагандистокс мон работан 1932 кизоста сязомок. Монь работазень результатонза няевихть сянь эзда, што сембе комсомолецне выборхнень пингста ульсь агитаторхт. Плигин Женясь и Ляников Федясь колхозса стахановецт. Аф паяк кунара комсомолу примаме 4 ломатть и улихть ниня кайта ломанень заявленият. Но

успехне улельхть ниня сяда оцюфт, кда ба максоль лезкс райкомсь. Вдь тядень кизоть аяк йотафтт фкявок пропсеминар, а райкомонь работникне, афваномок сянь лангс, што минь веленьке районть эзда анычек кайта километрнай йоткса, ашесть яка варжамоноконга“.

Совершенно виде корхтай Евсеев ялгась. Кда ба Рузаевкань, Ромодановань и Атяшевкань райкомтне по-большевистски кармалхть вятмонза пропагандистский работат, то синь ба афолезь нолдаты позорть, штоба синь организацияст комсомолецне афолезь кепсе эсь политический знанияснот.

Синь, очевидно, юктазь „Комсомольский правдот“ наминациязон, што „Пропагандистский работати тяфтама отношенияс татиса комсомолса политический воспитаният оппортунистический недооценка“. Тяфта анычек эрвалувомс нят руководителхнень пропагандат эзда аердомаснот. Ся, кинь мялец кепсе комсомолть боеспособностенц, кие шарьхкодсыне сонь задачанзон од условияс, ся аф аердови пропагандат эзда.

Башка ВЛКСМ-нь райкомтне тянемс афправильнайста шарьхкодсаяз ВЛКСМ-нь ЦК-ть указаниязон пропсеминархнень задачаснот и аф маштыхть синь мархтост руководствань вятма. Синь вятсаяз аф райкомтне, а лекторхне и докладчикне. Райкомонь секретарьх-

не жа семинарса ашихть наблюдателькс.

Тяфта ащи тевсь Ладский районца. Тоса комсомолонь райкомт секретарец Степаненковть вастс семинархнень мархта руководит ВКП(б)-нь райкомт учетонь заведующаец Малышкинась. Семинаронь кочкама шитне аф установленайхть. А вдь ВЛКСМ-нь ЦК-ть путфсонц 11 пунктсонза, велеса комсомолть йоткса пропагандистский работат цебарьгафтоманц колга азф: „Райкомонь секретарьт руководстванц вельде (ковти весть 5—6 частс) тиендемс пропагандистонь семинархт.“

Семинарсь должетт работамс специальнай планц коря и путомс эстеенза задачкас пропагандисттнень теоретический уровеньон и квалификациснот систематический повышениаснот.

Семинарса необходима прове-рямс, кода пропагандистсь аноклаф занятиятнеди.

Райкомонь секретарьхне обязатт руководит семинархнень мархта и сатомс, штоба сембе комсомольский активсь, ушодомок райкомонь секретарьста, вятель пропагандистский работа, кажнай активистсь улель толковай пропагандистокс“.

Сянкас, штоба сяда куроконаста пашкодемс большевизмат овладениянц колга задачат, конанц путе инголенк Сталин ялгась, организациятне должетт решительным образом цебарьгафтомс политический образованият мархта руководстват, чистендамс пропа-

гандистский кадратнень враждебно настроеннай элеметтнень эзда; маластонь пингть охватить сембе комсомолецнень и афсоюзнай одломаттнень большинстваснот, политический учебаса, комплектовандамок кружокнень знаниянц уровентть соответствиянц коряс; сембе политшколатненьди и кружокненьди кочкамс толковай, партият тевонцты преданнай, политически грамотнай пропагандистт и обеспечендамс синь лучшей руководстваса.

Маластонь пингть республикат сембе районзон эзга необходимо эрваихть йотафтомс од пропагандистонь районнай пуромкст сянкас, штоба лихтемс лангти сембе афсатыкснень и ушодомс работама по-большевистски.

Кда лац организовандасяк комсомольский активть йоткса марксистско-ленинский теориятнень тонафнемаснот, то сяда оцю ули комсомолса политический воспитаниян и бдительностень уровеньц, го сяда курокаста минь кеподьсаяк одломаттнень идейно-политический уровеньон, сяда курокаста минь овладеем большевизмат мархта.

Идейнай вооруженностьсь минь организациянконь тиендысь афдоступнайкс враждебнай влиянианень проникновенияснотды.

Политико-пропагандистский работат недооценканц курокаста машфтоманц вельде, минь педасяк выкорчевандасяк и машфсаяк народонь вракнень.

Горячев.

Саранск ош

Нюрьхкянжаста

* МАССР-нь Совнаркомсь кемокстазе Саранск ошу 10 № жилой кудть строяманцты проектнай заданиять. Ниле этажа тя кудть зданиянц эса кармай улема центральной водяной отопления, магазин, кафе и парикмахерский. Кудсь строяви 36 квартиранди, конатнень эзда 27-тне кафта комнатасот и 9-тне фкя комнатасот. Кудть ориентировочнай стоимостец 593 тьож. цалковайтхь.

* Главпарфюмер Саранский базать, конац организовандаф Тамбовский областень Пензенский базати подчинениясь, руководствань афобеспечинностенц лангс ваномок, МАССР-нь Совнаркомсь

макссь ходатайства СССР-нь Наркомпищепромти и Главпарфюмерти Саранский базать законченной баланс мархта самостоятельной базакс явштоманц колга, конац кармай подчиняться Главпарфюмерти.

* Саранский кукольный театр ванфтоманц исяда товодонь кемокстаманц ингса, 1938 кизонь январь 1-це шистонза сямомок сон макссеви МАССР-нь Совнаркомса Искусствань тевонь управления ведениязонза. Искусствань тевонь управления мярьгф тиемс театрати смета и максомс тенза комната.

Районнай олимпиадась йотась цебарьста

Декабрь 26-це шистонза районнай клубсь пашкодсь жизнерадостнай итта. Панжевсь занавезсь. Районнай олимпиадась лувондса «открытая» — пшкядсь ВЛКСМ-нь райкомонь секретарь Панькин ялгась. Бурнай авациянь пингста сценать лангс лиссь С. Федорова велень школаста ученикне.

Васеньце пионеркась азозе: — Минь эрфоньке радостнай и счастливый!

Омбоце пионерсь корхтай: — Спасибо Сталин ялгати счастливый детство ингса!

Тяда меле синь морасть морхт, «Ветер», Сталин ялгати колга морхт, кштитсь и стак тов.

Кулдымонь НСШ-ста ученикне исполнили «Орленок» морть и лия лама мокшонь народнай морхт. Прохорова Танясь цебарьста исполнила «Казачка» танецть.

Вертелимонь НСШ-ста ученикне цебарьста исполнили народнай мокшонь морхт и цебарьста кштитсь. Синь няфнесть цебарь физкультурнай выступлениат.

Олимпиадада меле ученикне сямсть обязательстват, каникулада меле тонафнемс аныцек отличнай-ста и цебарьста.

Картаев.

Вертелимонь р-и.

Цебарьста ладяф культмассовой работась

М. Мазканя велень изба-читальнясь од ломаттнень йоткса йотаф-меве оцю культмассовой работа. Плани коря йотафневихть беседат, читкат, лекцият и стак тов.

Изба-читальнясь улихть шашкат, шахмат и домино. Од ломаттне эрь илять йотафнесазь эсь пингсон изба-читальнясь культурнай-ста.

Од стирьнятнень и цюранятнень

йоткса организовандафт: хоровой, музыкальной, драматической и лия общественно-добровольной организации.

Тя цебарь работась макссь оцю лезкс од ломаттнень комсомолонь членкс эсь пряснон анокла-маснонды.

Безутешный.

Синдровань р-и.

Тяфта ли эряволь йотафтомс елкась?

Од 1938 кизоть васеньце шинза ульсть оцю радостек Советский Союзонь сембе од поколенияти. Январьт васень шинзон пингста школатнень эзда йотаффт йолкат. Итне радостнай мяльса мольсть елкатнень, декламировандасть стихотвореният, тиендсть налхксемат и стак тов. Арьселеть, што елкат йотафтозь радостнай-ста и веселяста сембе итне. Афи! Некоторай школава директорхнень и преподавательхнень бездушнай отношенияснон сюнеда елкатнень йотафтомасна ульсь сязьф.

Сейтяновка велеса итне, кода и везде, шоблава мольсть школав веселяста и радостнайста. Тонаф-нихне елкат перьф тисть налх-ксемат, азондсть декламацият. Сем-

бе мольсь цебарьста. Но аф лама пингта меле сембе полафтсь. Школав сувасть алят, конатнень йоткса аф кржал хулиганда. Нат ломаттне ашесть макс возможность веселяста йотафтомс елкат. Веляфтозь елкат, страфтозь итнень. Итнень ашель мяльсна аделама елкат тяфта. Синь ульсть аф до-вольнайхть. Но опора ашесть мушонда. Синь маласост ашель шко-лань заведующайсь, ашельхть учи-тельхне.

Итне срадсть куду аф веселай-ста. Сюецкшнесь елкань сраф-тыхнень, сюецкшнесь и учитель-хнень.

Тяфта ли эряволь йотафтомс елкась? Конечно аф тяфта.

Т—й.

Рыбкинань район,

Займовай работась ладяф кальдявста

Минь великий Советский Союзонь трудяшенца зняльдсть правительствать инголе, штоба молдам «Оборонань заем», штоба вракнень — родинань предательх-нень проискснонды отвечама стра-наньконь мощенц кемокстаманц мархта.

Ежка велень трудящайхне (Ковылкинань район), Союзсонок трудящайхнень мархта марса, отве-часть колма неделянь заработкас сьорматфтозь.

Велэрайхне займас сьорматфтсть оцю мяльса. Лядондсь самай глав-найсь — вишконтес синь йотксост массово-разъяснительнай работать, лездомс теест займовай кизефкс-

нень шарьхкодемаса, лездомс вал-снон пашкодемаснонды.

Ежка велеса аш ломань, конац ба отвечаль массовой работать ингса. Культурнай работникне тя тевть эзда ашихть ширеса. Кепоть-ксонди сясаськ НСШ-нь учи-тельть Голубовть. Сон аф аныцек аф вяти массовой работа велеса, аф аныцек аф няфни кепотькс кол-хозникнень, а мекеланкт, вяти разлогательский работа.

Велень советсь займовай рабо-тать эзда шарсь шири. Сяс велеса служащайда башка займань обли-гациянка ярмак кивок изь панда.

Вельсоветонь председателсь Морев ялгась сязендсы займовай работать.

Ежовский.

Испанияса фронттнень эзга

Действующай Теруэль районца (Восточнай фронт) фашист-ский войскавне январь ветеце шистонза атаковандакшнесь рес-публиканский войскатнень пози-цияснон. Республиканецне аф аныцек отбили сембе атакатнень, но и занясть противниконь лама окопт.

Теруэльса республиканский вой-скавне машфнесазь фашистнень сопротивлениань последний очаг-снон. Ручной гранатаса сязьф Сан-та — Клара монастырь зданияц, конань развалинанзон алу юмась лама фашист. Оцю юмафксне, конатнень кандозь Теруэль ала бойхнень эса фашистне значи-тельна слабайгафтозь синь удар-най частьснон.

Теруэль падениянц сюнеда Франко генеральс арестовандась и пякстась тюрьмав Кастильяно генеральт и лама полковникт, ко-нат командовандасть Теруэль горнизонца мятежниконь част-тнень мархта.

Сембе Испанияса ашихть небы-валай якшапт. Мадридса 11 гра-дус мороз. Теруэль районца мо-росне пачкотькшнихть 17 градус-ти модемс. Республиканский вла-сти примазь сембе мератнень сянгса, штоба зашитить якшамть эзда фронта ащи частьтнень. Часттненьди максфт лямбе обмун-дированиянень дополнительной ком-плектт.

Испанский республикать прези-дентонц декретонц коряс Н-й дивизиянь командирть, республи-канский армиять фкя инь лучшей организаторц, Энрике Листер майорсь Теруэльский участкаса исключительнай заслуганкса йо-таффт подполковникос.

(ТАСС).

Сувайхть комсомол-ть рядонзонды

Алякс велень комсомольский ор-ганизациясь йотафни оцю полити-ко-воспитательнай работа афсоюз-най од ломаттнень йоткса.

Тонафнесы синь мархтоост ВЛКСМ-ть программанц и уставонц, аноклайхть эсост комсомолу. Ком-сомолу сувасть ни 2 стирьнят и 4 цюранят. Тяни организациясь 30 членда лама.

Н. Челмакин.

Кадошкинань р-и.

Косогор велень афсоюзнай од ломаттне анокласазь эсь пряснон комсомолу. Синь мархтоост комсо-молецне тонафнесазь ВЛКСМ-ть про-грамманц и уставонц. Тяда башка синь аккуратна морафнихть газе-тат и журналхт, штоба сувамс ком-сомолу политически грамотнайста.

Березниковский р-и.

Агапов

Сире Кяргя велень первичнай комсомольский организациясь лац ладязе политико-воспитательнай ра-ботать афсоюзнай од ломаттнень йоткса.

Тонадомок основной политический документтнень, афсоюзнай одломат-тне максихть заявленият комсо-молу.

Павлушкин

Атиуревань р-и.

КИТАЙСА ВОЕННАЙ ДЕЙСТВИЯТНЕ

Центральной фронта китайский войскавне успешнайста вишконтесазь Нанкинть южной и юго-вос-точной ширесонза нят шитнень эсь контрнаступлениаснон.

Нанкинть юг ширесонза, Аньху-эй провинцияса, китайский часть-нень мархта зайняф стратегически важнай ошне Ухусь (Янцзы лять лагса) и Сюань ченць. Китайский войскавь авангарднай частенза, действовандамок марса партизат-тнень мархта, сувасть Ханчжоув (Чжецзян провинциять столица). Японский командованиясь вишкста обескураженое Ханчжоуть максоманц мархта, непрерывна бом-бардировандасыне Ханчжоуть и окрестностнень.

Центральной фронта японский войскатнень йоткса муфт русский белогвардеецт.

Нанкинть севернай ширесонза мекольден пингть бойхть ашесть йотне.

Январь колмоце шистонза ки-тайский самолетне бомбардиро-вандазь Уху и Датун ошнень йотк-ста Янцзы лять эзда японский ко-рабльхнень. Бомбардировкаць ре-зультатса ваяффт японский кафта военной корабльхть. Январь ве-теце шистонза китайский эскад-рилиась совершиндась удачной на-лет Ухуть окресностьста японский аэродромть лангс. Йордаф сизьге-монь котува бомба. Уничтожендаф кота японский самолетт. Январь колмоце шистонза Аньхуэй про-винцияса китайский войскатнень мархта сбитай японский фкя са-молет.

Севернай Китайса положениясь существеннай переменафтома.

(ТАСС).

Пропагандистонь курснень выпусксна

Январь ковть 5-це шистонза Са-ранск ошса республиканский про-пагандистонь курснень ульсь вы-пусксна. ВЛКСМ-нь обкомсь, ВЛКСМ-нь райкомтнень распоря-женияс кучсь од, политически подготовленной пропагандистонь кадра.

Аделамок курснень, выпускной вечера курсатне сямсть ингса, штоба районца комсомолецнень и од ло-маттнень йоткса цебарьняста ла-дямс комсомольский просвещени-ять.

Ламон курсаттнень йоткста, кур-снень аделаць отличнай и цебарь отметка мархта.

Счастливый, радостнай эряфть ингса, курсаттне азсть оцю пара-вал кельгома Сталин ялгати.

Паршин.

Саранск ош.

Петькс

«Комсомолонь вайгаль» — газе-тат 2-це номерсонза, 4-це поло-саса алува омбоце колонкаса, Ко-вылкинский 27-це номер госмел-ницать колга авторть сюнеда нол-даф эльбияткс, коса сьорматф: «...парторгоск работай Кухрьсь, директоркс Юров. Эряви лувомс: «...парторгоск работай Юровсь и и сон жа директорсь».

Ответ. редакторсь
П. ЕЖОВ.